



FESTA NOVEMBRIS

Die 1 novembris

OMNIUM SANCTORUM

I classis

AD I VESPERAS

Ant. 1 Vidi turbam magnam,
* quam dinumerare nemo
póterat, ex ómnibus génti-
bus stantes ante thronum.

Psalmi de dominica 378, **sed loco**
ultimi psalmus 116 Laudáte Dó-
minum, omnes gentes 382.

2 Et omnes Angeli * stabant
in circúitu throni, et cecidérunt
in conspéctu throni in
fácies suas et adoravérunt
Deum.

3 Redemísti nos, * Dómine
Deus, in ságuine tuo ex
omni tribu et lingua et pó-

pulo et natióne, et fecísti nos
Deo nostro regnum.

4 Benedícite Dóminum, *
omnes elécti eius: ágite dies
lætítiæ, et confitémini illi.

5 Hymnus * ómnibus Sanc-
tis eius: fíliis Israel, pópulo
appropinquánti sibi: glória
hæc est ómnibus Sanctis
eius.

Capit.

Apoc. 7, 2-3

Ecce, ego Ioánnes vidi ál-
terum Angelum ascen-
déntem ab ortu solis, habén-
tem signum Dei vivi; et cla-

mávit voce magna quátuor Angelis, quibus datum est nocére terræ et mari, dicens: Nolíte nocére terræ et mari neque arbóribus, quoadúsque signémus servos Dei nostri in fróntibus eórum.

Hymnus

Placáre, Christe, sérvulis,
quibus Patris cleménti-
am

tuæ ad tribúnal grátiae
patróna Virgo póstulat.

Et vos, beáta per novem
distíncta gyros ágmina,
antíqua cum præsentibus,
futúra damna péllite.

Apóstoli cum Vátibus,
apud severum Iúdicem
veris reórum flétibus
expóscite indulgéntiam.

Vos, purpuráti Mártýres,
vos, candidáti præmio
confessiõnis, éxsules
vocáte nos in pátriam.

Choréa casta Vírginum,
et quos erémus íncolas
transmísit astris, Cælitum
locáte nos in sédibus.

Auférte gentem pérfidam
credéntium de fínibus,
ut unus omnes únicum
ovíle nos Pastor regat.

Deo Patri sit glória,
Natóque Patris único,
Sancto simul Paráclito,
in sempitérna sácula. Amen.

℣. Lætámini in Dómino et
exsultate, iusti. ℞. Et glo-
riámini, omnes recti corde.

Ad Magnif. ant. Angeli, *
Archángeli, Throni et Domi-
natiónes, Principátus et Po-
testátes, Virtútes cælórum,
Chérubim atque Séraphim,
Patriárchæ et Prophétæ,
sancti legis Doctóres, Apó-
stoli, omnes Christi Mártý-
res, sancti Confessóres, Vír-
gines Dómini, Anachoritæ,
Sanctique omnes, intercédi-
te pro nobis.

Oratio

Omnípotens sempitérne
Deus, qui nos ómnium
Sanctorum tuórum mérita
sub una tribuísti celebritáte
venerári: quæsumus; ut de-
siderátam nobis tuæ propi-
tiationis abundántiam, multi-
plicátis intercessóribus, lar-
giáris. Per Dóminum.

Completorium de dominica 384.

AD MATUTINUM

Invit. Regem regum Dómi-
num, veníte, adorémus: *
Quia ipse est coróna Sanctó-
rum ómnium.

Ps. 94 Veníte 336.

Hymnus Placáre, Christe, ut
supra.

In I Nocturno

Ant. 1 Novit Dóminus * vi-
am iustórum, qui in lege eius
meditántur die ac nocte.

Psalmus 1

Beátus vir, qui non séqui-
tur * consílium impió-
rum,